

MFỌN-MMA JOB KE IDAK ỌKPỌSỌŃ IDOMO

Job 1:1-22; 2:1-10; 13:15; 23:1-17; 27:1-6; 42:1-17

ỌYỌHỌ UKPEP-ŃKPỌ 372

Eke Ikpọ Owo

IKỌ IBUOT: “Nsa Abasi, Enye idiokke. Nsa Abasi Ibom, Enye inamke ukwañ-
ñkpọ. Koro Enye eyeda se owo anamde osio usiene ye owo, onyũ anam owo okut
nte asañade ye ido owo” (Job 34:10, 11).

I Idomo Job

- 1 Satan ama ọbọ unyime oto Abasi ke ndida afanikọŃ ye nnan-enyin ndomo mbuotidem Job, Job 1:1-22
- 2 Mme idiok edinam satan ndidomo mbuotidem Job eketo unyime emi asañade ekekem ke edisana uduak Abasi ke ndinam ndisana ikọt Abasi esana man ekekem ye uduak Abasi, Job 2:1-9; John 15:2; Mme Hebrew 12:5-13; 5:8; Nwede Mbon Rome 8:28
- 3 Satan okodomo Job man anam enye osuk ibuot ọnọ se idiokde oto ntak ọkpọsọŃ idomo, Job 1:9-11; 2:4; Daniel 3:1-18; Matthew 4:1-11; Luke 22:31

II Mme Ikọ Ndinọ Job Mmem-idem

- 1 Nwan Job ama ọnọ enye item ete osuñi Abasi onyũ akpa mkpa, Job 2:9; Numbers 31:16; 2 Chronicles 32:15-18
- 2 Mme ufan Job ita ema etiñ ikọ ye Job, ete unana ediyarade idiok-ñkpọ ekedi ntak afanikọŃ esie, Job 4:7, 8; 8:6; 11:6, 13-16
- 3 Job ekenyene ndibọ esuene ye nsahi nto mme mbọhọ-iduñ esie ke ntak ukut esie, Job 30:1-15; Psalm 41:7-9
- 4 Udọñọ Job ama ọnọ enye akwa ubiak ye unana inemesit ke obukidem, Job 30:16-18
- 5 Job ikekemeke ndikut Abasi oto ke ubiọñọ satan, emi ama anam enye odu ke nnanenyin, Job 9:25-33; 23:1-17

III Mbuotidem Job Ke Abasi

- 1 Job ama omum mbuotidem esie ke Abasi akama okposuk edi nte akwa idomo ye nnanenyin ke obukidem ye ke ukpọŃ okosimde enye, enye ekenyene ndiyọ, Job 27:1-6; 19:25-27; 13:15; 1:21, 22; 2:10; 23:10
- 2 Abasi osio Job ke itie ukut ndien utit Job akabare ọfọŃ akan eritọñọ esie, Job 42:8-17; Ecclesiastes 7:8

SE EKPEPDE EBAÑA

Uwut-ñkpọ Job

Ndusuk owo edi mmọ emi miwọrọke etop, ndusuk enyũ ewọrọ etop oto ke ñkpọ eke mmọ ekenamde ndien eti mmọ ke nsinsi oto ke mme edinam mmọ. Ntre ke enyiñ Judas ada nte idiọñọ editap tọñọ ke ini emi enye akatapde ỌbọŃ esie, Jesus Christ. Enyũ esiak enyiñ Job edian anyan ime. Esie edi enyiñ ime. Esie edi enyiñ ukpono ye edinam akpanikọ koro enye okomumde mfọn-mma esie akama okposuk edi nte enye ọkọbọde ata idiok ufen ke ikpọhidem ye ke ukpọŃ.

Job ekedi andinim Abasi ke akpanikọ, ndien okposuk edi nte mbuk esie mitimke iñwaña, enyiñ ye mbuk esie edi uñwana eke ayamade ke nsinsi ikpa ñwede Ikọ Abasi. Job ekedi owo emi ọfọnde ama tutu Abasi ọfọ satan owut enye nte uwut-ñkpọ edinen ido. Ibọrọ emi satan ọnọde Abasi ke abaña Job owut

ete ke unana ererimbot ndinim ke akpanikọ ye nsahi mmọ ke abaña Ikọ Abasi ye edinen ido okotibe oto satan.

Satan ama etiñ abaña Job, ke osuk etetiñ abaña Ikọt Abasi ete ke mmọ enam ñkpọ enọ Abasi eyom udori, men inyene oro fep, midighe nam mmọ enyene unomọ ke ikpohidem ndien mmọ eyekañ Abasi. Satan odomo ikọt Abasi ke mme ñkpọ emi ke ata ediwak ini ke mme emana. Edi Abasi emenere iren ye iban onim, emi ke mfọn Abasi minyimeke inọ satan oto ke nsọñọ-nda mmọ ke edinen ido, okposuk edi nte ediwak mmọ esiduokde uwem mmọ.

Mfaña iduhe nte mbuk Job edi akwa uñwana ọnọ mme anditiene Abasi. Eda mbuk Job ekpep mme anditiene-Christ ñkpọ ete ke ukut ye nnanenyin eto satan, edi ke mme ñkpọ ntre idighe ke ikpikpu, ñko ke mmọ esine ke uduak Abasi ke abaña ikọt Esie. Abasi idighe Enye emi ọtọñode idiok-ñkpọ ekededi: mme mfri emi etode ke idiok-ñkpọ, nte udoñọ ye mkpa. Edi mme oruk ñkpọ ntre edu ke ererimbot, ndien adaña nte Ikọt Abasi edude ke ererimbot, ana nte mmọ esobo ye ndiọi-ñkpọ edi enyene erikan. Nte ke mmọ ekeme ndisobo ye mme ñkpọ emi enyuñ enyene erikan oto ke mfọn Abasi, edi ukpep-ñkpọ emi nnyin inyenede ito ke idomo ye ukut Job. Enye ama okut idomo emi ekeperede utit nte owo ekpekemedede ndiyọ, edi enye osuk anam akpanikọ ọnọ Abasi ke kpukpru.

Idomo Idiok-ñkpọ

Akamba ukpep-ñkpọ kiet emi Ikọt Abasi enyenede ndikpep nto ukọbọ emi satan ọkọkọbode Job edi nte ke ukọbọ esie oto ediwak usuñ ke ini kiet. Paul ama ọdọhọ ete “Koro nnyin minanake ifiok ibaña ñkari ye ñkukan esie” (2 Ñwed Corinth 2:11), ndien mme ubak ido unam ñkpọ esie eyarare oto ke se Job ọkọfiokde.

Ana nte efiok ete ke idomo Job ekedi ekọñ emi okotode esit idem ye aña. Enye ekenyene ndibọ ufen ubiak ye unana emem ke ikpohidem, onyuñ añwana ọkposọñ eñwan ke esit idem ke abaña ukpọñ esie. Ndinam nnanenyin Job aka iso, mme mmọ emi ekpedide ñkpọ uñwam ye ndọñesit enọ enye ekabare edi mbon eneni ye enye. Mmọ emi ekpekesọñode enye idem ke mbuotidem esie ye Abasi ekabare edi mme andibiom enye ikpe. Ñwan esie ama ọnọ enye item ete yak osuñi Abasi akpa mkpa. Edieke Job ekpekenode mkpañ-utoñ ke uto item oro, ọkọduok ukpọñ esie ke nsinsi.

Nte akade iso, mme ufan Job ita ema ebiom enye ikpe ebaña ndedibe idiok-ñkpọ ye enye emi enye miyarakede, ndien ke ntak oro esiñ mme ukut esie edoro enye ke idem. Job okosuk enyene ndiyọ se ikotode mme mbọhọ-iduñ ye mme anam mbubehe ye enye. Enam ifiok ke Ñwed Abasi ete ke Job ekedi owo emi ekekponode eti eti ke otu mbio-obio, ema enyuñ esinọ mkpañ-utoñ ke ikọ esie ete, oto owo ifiok. Inyene emi Abasi akadade ọdiọñ Job ama anam efiok enye onyuñ ọnọ enye uku. Ke ini mme inyene esie ema eketak, enyuñ esuhorede enye enim ke ntọñ, idaha esie ama etie nte osop. Ñkpri nditọñwọñ enam enye ñkpọ uyat, enye okonyuñ edi ñkpọ emiom ọnọ mbọhiduñ esie.

Ekedi ekikere mme owo ete ke uto ñkpọ-nnam oro okosimde Job ikedighe ñkpọ efen ke ebede nnen-nnen ubiere-ikpe ke abaña idiok-ñkpọ esie, ntre mmọ ema ekere idiok ebaña enye ke idiok-ñkpọ emi mmọ mikọfiokke, emi ekekerede-kere, ke esit mmọ ete ndusuk enye ama anam.

Ñkukure owo emi ekpekemedede ndisọñọ nda ke uto ukọbọ emi okomde ukpọñ esie nte eke Job edi oruk owo emi mbuotidem esie misehekede ke Abasi. Abasi idiyakke edomo nnyin ebe nte nnyin ikemedede ndiyọ, ndien Abasi ama ọfiok ete ke Job eyekeme ndiyarade odudu erinyaña esie ye mbuotidem esie ke Abasi. Idomo oro okoyom ndinam ofuri mbuotidem ye idorenyin Job ke Abasi ekpu, ndien onyuñ ayak ifet ọnọ mfuhọ eke idorenyin miduhe. Satan okodomo ndida oruk ufen eke owo mikemeke ndiyọ ntiene Job man etie nte ñkpọ eke enye midikemeke ndisọñọ nda nnyuñ ñkan. Mfọn Abasi ekem ye oruk idomo ekededi, ndien ama onyuñ ekem ọnọ Job. Mfọn Abasi ikanamke Job okubọ ufen emi okotode idomo esie ke usuñ ndomo kiet, edi ama añwam enye ndimum mfọn-mma esie ke Abasi ñkama onyuñ ọnọ enye erikan emi adade ọbọñ ọnọ Abasi.

Mbuotidem Job

Ndusuk se ikoson̄de ikan ke idomo Job ekedi emi eketiede nte Abasi iduhe ye enye. Ekeme ndikan mme mkposon̄ idomo ke mmem-mm̄em usuñ ke ini ukpon̄ otimde ofiok ete ke mbuotidem ye Abasi eyedada ofuri nkpo osim utit nte asañade ekekem ye uduak Esie. Ini ama odu emi Job okodohode ete “Sese nsaña n̄ka edem usiaha-utin, ndien enye iduhe, n̄ka edem usop utin, edi ntimke nkut enye. . . . Enye odibe ke usuk ndien nkemeke enye ndikut” (Job 23:8, 9). Adaña ini nte ekikere esit abuanade, eketie nte idorenyin iduhe. Edi mbuotidem idighe ekikere. Ndien ke kpukpru, Job ama ekeme ndidohode ete, “Koro Enye ofiokde usuñ eke odude ye ami: Enye odomo mi: nyeworo mbiet gold” (Job 23:10). Ikafañ ke Ikot Abasi enyene ndonesit eto ke mme ikoro! Koro Job ekenyenede eti mbuotidem enye ama ekeme ndimum mfon-mma esie ke Abasi nkama, okposuk edi nte ekekpoxide inyene esie efep, obukidem esie okonyuñ okopde ubiak, ye nte ekim okofukde ukpon̄ esie oto ke mfiomo mme owo ye satan.

Se Job eketinde ndiwut akwa mbuotidem esie ke Abasi ke nkim-nkim ini ukut oro edi mme ubak idaha eke okoñde emi ewetde esin ke Nwed Abasi. Okoto ke nda-usuñ Spirit Abasi ke enye ekekeme ndida nkut ini eke Jesus ediyararede Idem Esie. Job ama odohode ete: “Ndien ami mmofiok nte ke Andifak mi odu uwem: ndien ke akpatre enye eyedaha ada ke ntan ison̄: Ndien ke ikpohidem mi ama abiara ama, nyedu ke obukidem mi nkut Abasi: Emi ndikutde ke idem mi, enyin mi eyenyuñ ekut enye, idikwe owo efen, nkpo emi odude mi ke ikpanesit eyemere” (Job 19:25-27). Idorenyin eriset ke mkpa edi idorenyin Ufok Abasi, ndien Job ama owut idem esie nte enye emi odotde ndidu ke Akpa Eriset.

Eda ikoro Job emi odohode ete: “Sese enye okpowowot mi nyebuot idem mi ye enye” edomo ye idaha udomo mbuotidem emi Abraham ekenyenede ke ini okoyomde ndiwa eyen esie ke uwa, onyuñ odohode ete, “Eyen mi, Abasi eyeyom eyen-eroh̄ uwa on̄ Idemesie” (Genesis 22:8).

Utiti Job

Ke akpatre, Abasi ama okpuhore nnanenyin Job onyuñ afiak on̄ enye se ikatakde enye utim ikaba. Idaha esie ama okpon akan eke akpa. Idighe inyene ererimbot emi ikpon̄ ke enye okobode oto Abasi ke ntak akwa edinam akpanikoro esie, edi ikoro-ntiense esie eyenyene ediwak utip ke nsinsi koro okpon̄de eti uwut-nkpo on̄ Ufok-Abasi.

MME MBUME

- 1 Nso ikedi akpa nkpo emi satan akadade etiñ ikoro adian Job?
- 2 Nso ke satan akada etiñ ikoro adian Job oyohode ikaba?
- 3 Nso ikedi ntak emi Abasi okonyimede satan okobode Job?
- 4 Nso item ke nwan Job okonode enye ete anam?
- 5 Nso ikedi se mme ufan Job ita ekedade etiñ ikoro edian enye?
- 6 Isaña didie idiñode ite ke usuñ enwan satan ewak?
- 7 Siak ndusuk nkpo emi akpakadade mmemidem osok Job.
- 8 Nso ikedi ntak emi mme ufan Job ekekere ete ke Job ama anam-idiok?
- 9 Nnyin isaña didie ifiok ite ke Job ama onim eriset ke mkpa ke akpanikoro?
- 10 Nso ikedi akwa ikoro mbuotidem emi Job akayararede ke Abasi?